



Warbixinta

Shir-gudoonka ee Kal-fadhigii 31^{aad}

(From 23 July 2016 to 19 September 2016)

November 2016

Ku:- Mudanayaasha Golaha Wakiilada JSL.

Ujeedo: - Warbixinta Shir-gudoonka ee kal-fadhigii 31^{aad}

Mudanayaal

Si aynu u gudano hawlaha inoo qorshaysan **kal-fadhiga 32^{aad}** ee Golaha Wakiilada oo una dardar galino, una dhameystirno hawlahii inaga baaqdey kal-fadhigii hore inagoo gudanyna Waajibaadkeena Qaran, waxaan halka idiinku soo gudbinaynaa waxqabadkii Golaha Wakiilada ee kal-fadhigii 31^{aad} oo dhamaystiran si aad u xasuusataan waxyaabihii inoo qabsoomay iyo wixii aan inoo qabsoomin.

1. Ajendihii Kal-fadhiga 31^{aad}

**JAMHUURIYADA SOMAILAND
GOLAHA WAKIILADA
Ajandaha Kalfadhiga 31^{aad} ee Golaha Wakiilada.**

25/07/2016

1. Warbixinta Shirgudoonka, Guddida Joogtada ah iyo Gudiyadda Golaha Wakiilada
2. Xogogaal u noqoshada Xalada Dalka.
3. Mashaariicda Sharci ee Golaha Horyaal.

N o.	Magaca Xeerka	Marxalada aa u marayo	Cida Gacantaku haysa
	Xeerarka ka soono qoday Madaxweynaha :- 1. Xeerka Booliska 2. Xeerka Xabsiyada 3. Xeerka Duulista Hawada 4. Xeerka Law Reform Commission.	Codayn	Maamulka Golaha
2.	Qabyo Qoraalka Xeerka Maaraynta Maaliyadda iyo Xisaabaadka	Codayn	Gole Waynaha
3.	Qabyo Qoraalka Xeerka Hanti-dhawrka Qaranka	Codayn	Gole Waynaha
4.	Xeerka Ganacsiga Baananka	Gudi Gaar ah	Gudi Gaar ah
	Wax-kabadelkaiyo Kaabista Xeerka Doorashooyinka Golaha Wakiilada	Waxkabadeliyo kaabis	Gudiddagaar ah
6.	Xeerka Hoosaadka Golaha Wakiilada	Waxkabadeliyo kaabis	Goleweynaha

7.	Xisaab –XidhkaMiisaaniyadaDawladda 2014	Arkhiska 1aad	GudiddaillalintaQaranka
8.	Xeerka Somaliland Road Authority	Akhriska 1aad	GudiddaGaadiidkaiyoWa dooyinka
9.	XeerkaGuudillalintaDegaanka (National Environment Law)	Akhriska 1aad	GudiddaKhayradaiyoDeg aanka

4. UyeedhistaMasuuliyiintaQaranka
5. AnsixintaMasuuliyiintaQaranka
6. XeerarkaGolahaGuurtida ka soonoqda
7. XeerarkaMadaxweynaha ka soonoqdaeeaanusaxeexin.
8. Iyo Wixii kale eesookordha

2. Kal-fadhigii 31aad

No	Kal-fadhiga	Taariikhda uu furmay	Taariikhda uu xidhmay
1.	31aad	23/07/2015	19/09/2016

Kal-fadhigan oo Goluhu qabtey hawlo aad muhiimaoo ay ka mid ahaayeen Ansixinta Heshiiskii aynu la galney Shirkada DP World Imaaraadka Carabta ee Dekada Berbera, ansixintii Go'aankii Madaxweynaha ee kala qaadista Labada doorasho iyo dib u-dhigista Doorashada Golaha Wakiilada iyo Ansixinta Masuuliyiin Qaran iyo sidoo kale Wax qabadkii Gudiyada Golaha, halkan ayaanu ku soo bandhigeynaa Wax qabadkii Kal-fadhiga 31aad oo dhameysitiran si aynu u dardargalino kal-fadhiga 32aad.

3. Warbixinada Golaha laga hor akhriyay:-

<u>Taariikhda</u>	<u>Warbixinta</u>	<u>cid akhridey</u>
30/07/2016	Warbixinta Shir-gudoonka ee Kal-fadhigii 30aad	Xoghayaha Guud Mr. C/risaaq Siciid Ayaanle
30/07/2016	Warbixintii Gudidda Joogtada iyo Anshaxa	Md. Axmed Ducaale
31/07/2016	Warbixintii Gudidda Arrimaha Gudaha ee Kormeerkii Gobolada ee xaaqi raadista seemi-qeybsiga kuraasta Golaha Wakiilada	Md. Ibraahim J. Cali Reyte Gudoomiyaha Gudidda Ar. Gudaha

06/08/2016	Warbixintii Heshiiska Shirkada DPWorld Xukuumadu kula gashey Dekada Berbera oo Golaha la horkeenay	Wasiirada Xukuumada
	Warbixinta Xeerka Maydhista Lacagaha (Money Laundry Bill)	Md. Cumar A. Saleban Sanweyne Gud. Gudidda Dhaqaalaha.

4. Mashaariicda Sharci ee Goluhu ka doodey:-

No	Magaca Xeerka	Wakhtiga Dooda
1.	Heshiiska DP World iyo Somaliland ee Dekada Berbera	08/08/2016
2.	Xeerka Maydhista lacagaha	

3. Waxyaabihii Goluhu Ansixiyay:-

No	Mashruuc Sharciga la Ansixiyay	Taariikhda	Halka loo gudbiyay
1.	Heshiiska DP World iyo Somaliland ee Dekada Berbera	09/08/2016	Maxweynaha
2.	Go'aankii Madaxweynaha ee Saami-qeybisga Gobolada ee Kuraasta Golaha Wakiilada JSL.		

3. Ansixintii Heshiiska Xukuumadu la gashey Shirkada DP World:-

06/08/2016 ayay Xukuumadu Golaha Wakiilada hor keentay Heshiiskii Hordhaca ahaa ee ay la gaadhay Kambaniga DP World, Waxaana Golaha horyimi Raxan wasiir ah oo uu Horkacayay Wasiirka wasaarada Arimaha Debeda kuna wehelinayeen wasiirka wasaarada Maaliyada, wasiirka wasaarada Madaxtooyada, wasiirka wasaarada qorshaynta, wasiirka wasaarada Hawlaha Guud, Maareeyaha Dekada Berbera, Safiirka Somaliland u Fadhiya Imaaraadka carabta iyo la taliyayaal ka caawinayay heshiiskan dawlada Somaliland.

Heshiiskan ama Nuqulka qoraalada Rasmiga ah ee ay Dawlada iyo DP World isku afgarteen ayaa loo qaybiyey Mudanayaasha aqalka Wakiilada, waxaana warbixin ka jeediyey wasiirka wasaarada Arimaha Debeda iyo wasiirka Madaxtooyada iyo Wasiirka Maaliyada.

Mudanayaasha Golaha ayaa qaar ka mid ahi waxay su'aalo ka waydiiyeen heshiiska iyo qodobada

uu ka kooban yahay isla markaana waxay xildhibaanada qaar dhaliileen qoraalada ay Xukuumadu horkeentay Golaha oo aan ahayn heshiiskii sharciga ahaa.



Intaa ka dib wuxuu Goluhu doodey dheer ka yeeshay Heshiiskaas 08/08/2016 iyadoo ay doodaas ka qeyb-galeen 12 Mudane, dooda ka dibna markii la isku soo ururiyay afkaartii Mudanayaashu soo jeediyeen waxaa ka soo baxay laba qodob oo kala ahaa:-

- **In aanu heshiiskani aheyn kii saxda ahaa markaa dib loo celiyo lana keeno kii saxdaa ahaa Golaha Wakiilada iyo**
- **In Heshiiska Xukuumadu keentay sidiisa lagu ansixiyo**

Waxaana cod loo qaadey labada qodob fadhigii xigey ee 09/08/2016, iyadoo Golaha ay fadhiyeen 74 Mudane waxaa ogolaadey 69 mudane, waxaa diidey 4 mudane Gudoomiyuhuna muu codeyn sidaasna wuxuu Golaha Wakiiladu ku ansixiyo in Xukuumadu gasho Heshiiska Dekada Berbera lagu maalgalinayo ee Somaliland la gashey Shirkada Dalka Imaaraadka Carabta laga leeyahay ee DP World.

4. Ansixintii Go'aanka Madaxweynaha ee kala qaadista labada doorasho:-

Intii lagu jirey kal-fadhigan 31^{aad} waxa Madaxweynuhu Golaha u soo gudbiyay Go'aan uu ka soo saarey arrinta Saami-qeybisga kuraasta Golaha Wakiilada ee Gobolada dalka, waxaa heshiiskaa golaha la hor akhriyay go'aankaas 17/09/2016, wuxuuna Goluhu heshiiskaas ku ansixiyay cod aqlabiyad ah iyadoo ay ka soo xaadireen fadhigaas 59 Muddane ayaa waxaa ogolaadey go'aankaas Madaxweynuhu gaadhey 52 Muddane, halka ay diideen 5 Xildhibaan. Sidaas wuxuu Goluhu ku meel mariyay heshiis iyadoo la kala qaadey labada doorasho ee Madaxtooyada iyo Golaha

Wakiilada oo dib lo dhigay Doorashada Golaha Wakiilada waxaana go'aankaas loo gudbiyay maxkamadda Sare, isla markaana muddo-kordhin loo samayn doonaa Golaha Wakiilada taas oo muddada ay noqon doonto go'aanka ay ka gaadhi doonan Golaha Guurtidu.

5. Xeerarka Golaha Horyaal iyo kuwa Gudiyadu Gacanta ku hayaan:-

A. Xeerarka Gudiyadu gacanta ku hayaan:-

No.	Magaca Xeerka	Gudidda gacanta ku heysa
1.	Xeerka Shirkadaha	Gudidda Dhaqaalaha, Maaliyada iyo Ganacsiga
2.	Xeerka Xawaaladaha	Gudidda Dhaqaalaha, Maaliyada iyo Ganacsiga
3.	Xeerka Caymiska	Gudidda Dhaqaalaha, Maaliyada iyo Ganacsiga
4.	Xeerka Deegaanka (National Environmental Bill)	Gudidda Deegaanka iyo Kheyraadka Dabiiciga
5.	Xeerka Shidaalka	Gudidda Deegaanka iyo Kheyraadka Dabiiciga
6.	Xeerka Macdanta Somaliland	Gudidda Deegaanka iyo Kheyraadka Dabiiciga
7.	Xeerka Maamulka Qashinka (Waste Management Bill)	Gudidda Deegaanka iyo Kheyraadka Dabiiciga
8.	Xeerka Ciyaaraha	Gudidda Arrimaha Bulshada iyo Diinta
9.	Xeerka Saxaafada	Gudidda Arrimaha Bulshada iyo Diinta
10.	Xeerka ka hortaga Argagaxisada	Gudidda Arrimaha Gudaha iyo Nabadgalyada
11.	Xeerka Doorashada Golaha Wakiilada	Gudidda Arrimaha Gudaha iyo Nabadgalyada
12.	Xeerka Caasimada	Gudidda Arrimaha Gudaha iyo Nabadgalyada
13.	Xeerka Hay'adda Wadooyinka	Gudidda hawlaha Guud iyo Gaadiidka
14.	Xeerka Gudidda Qandaraasyada	Gudidda Ilaalinta iyo Dabagalka Hantida
15.	Xeerka Mideynta Cashuuraha	Gudidda Dhaqaalaha, Maaliyada iyo Ganacsiga
16.	Xeerka Shaqaalaha Dawlada Hoose	Gudidda Arrimaha Bulshada iyo Diinta
17.	Xeerka Low of Establishment of Somaliland Agency	Gudidda Dhaqaalaha, Maaliyada iyo Ganacsiga
18.	Waxa ka badalka iyo kaabista Xeerka Ciqaabta Guud	Gudidda Cadaalada, Garsoorka iyo X. Insaanka
19.	Xeerka Dakhliga Shidaalka	Gudidda Kheyraadka iyo Deegaanka

B. Xeerarka Golaweynaha Horyaal:-

20.	Xeerka Waxbarashada	Akhriskii labad
21.	Xeerka Kufsigi	Akhriskii labad
22.	Xeerka Maamulka iyo Maareynta Maaliyada PFM	Akhriskii labad
23.	Xeerka Hanti-dhowrka Guud	Akhriskii labad
24.	Xeerka Hawlaha Ganacsiga Baananka	Akhriskii labaad
25.	Xeerka Maydhista Lacagta	Akhriskii labaad
26.	Xeerka Booliiska	(Madaxtoyada ka soo noqdey)
27.	Xeerka Gudidda Dib U-habeynta Shuruucda	(Madaxtoyada ka soo noqdey)
28.	Xeerka Xabsiyada	(Madaxtoyada ka soo noqdey)
29.	Xeerka Hay'adda Duulista Hawada	(Madaxtoyada ka soo noqdey)

6. Waxqabadka Guddiyada Golaha Wakiilada.

Gudidda Dhaqaalaha, Ganacsiga iyo Maaliyada

Gudidda Dhaqaaluhu waxay Golaha u soo gudbisay oo uga warbixisay laba xeer oo Gudiddu Gacanta ku heysay kuwaas oo kala ahaa:-

- Xeerka Maadhista Lacagaha (Money laundry bill)
- Xeerka Xawaaladaha (Remittance Bill)

Gudidda Arrimaha Bulshada iyo Diinta

25/08/2016 waxay Gudidda Arrimaha Bulshada iyo Diintu kormeer ku tagtey Gobolka Awdal kormeerkaas oo ahaa xogogaal u noqoshada arrimaha Bulshada Gobolka gaar ahaan arrimaha caafimaadka iyo Waxbarashada waxay kulamo la yeesheen Maamulka Caafimaadka sida Gudomiyaha Cisbitaalka Boorama iyo Isuduwaha Gobolka ee Wasaarada Caafimaadka oo xog waramay xaalada caafimad ee Gobolka, caqabadaha ka jira iyo waxyaabaha loo baahan yahey in wax laga qabto, iyogoo booqdey qeybaha kala duwan ee cisbitaalka sida bukaan jiifka iyo goobaha adeega caafimaadka.

Sidoo kale waxay la kulmeen Gudoomiyaha Waxbarashada Gobolka Awdal oo isna xog ka siiyay Waxbarashada gobolka iyo halkey mareyso, sidoo kale waxyaabaha ka dhiman ee caqabada ku ah taabagalinta waxbarasho dhameystiran ee u baahan in wax laga qabto si ay warbixinteeda gudiddu ugu darsato waxayna su'aalo dhowra waydiiyeen Gudoomiyaha iyo maamulayaasha dugsiyada hoose iyo sare qaar ka mid ah oo booqasho ku tageen, waxayna gudiddu ka diraariysey warbixin waxyaabihii ay kala soo kulmeen Arrimaha Bulshada ee Gobolka Awdal.

Gudidda Ilaalinta iyo Dabagalka Hantida Qaranka

18/09/2016 waxay Gudidda Ilaalinta iyo Dabagalka Hantida Qaranku waxay kormeer ku tageen Magaalo Madaxda Goboka Saaxil ee Berbera waxayna kulamo kala duwan la soo kala yeesheen:-

- Badhashaabka iyo Isuduwayaasha Wasaaradaha
- Shirkadaha ku midoobay Maamulka Haamaha Shidaalka Berbera ee Berbera Oil Group
- Maareeyaha Dekada Berbera
- Maareeyaha Wakaalada Biyaha Berbera
- Gudidda Maamusha Wakaalada Korontada Berbera

Waxayna dhamaan hay'adaha iyo laamahaas kala duwan ka xogwareysteen hawlaha qaran

ee ay hayaan iyagoo Gudiddu su'aalo weydiisey waxayna Gudiddu ka diyaarisey Warbixin Dheer oo Golaha la horkeeni doono.

Gudidda Hawlaha Guud iyo Gaadiidka

29/08/2016 waxay Gudidda Hawlaha Guud hawlo u shaqo u tageen Gobolka Awdal iyadoo ujeedada socodkoodu ahaa kormeerka Wadooyinka Gobolka ka socodey oo qaarkood dhamaadeen iyagoo ugu horeyn kormeeray birijka dila oo wakhtigaa dhamaadey waxayna uga sii gudbeen magaalada Boorame waxaynu kulan la yeeshen Hay'adda Wadooyinka ee ASARDA waxayna ka xogwareysteen halka ay mareyso wadadii isku xidhay Borama iyo Seylac oo mudo ka dib u bilaabanteh hawsheed, intaas ka dibna waxay gudiddu ka diyaarisey Warbixin.

7. Horumarinta Kaabayaasha Golaha Wakiilada:-

❖ Aamaanka (security) Xarunta Golaha:-

si loo adkeeyo amaanka Xarunta Baarlamaanka waxaa la sameeyay dhismaal Mashruucaas ay Hay'adda UNDP Golaha ka caawisey kaas oo ah deyr kaabado ah oo lagu wareejiyay dhismaha Baarlamaanka iyo dhismayaan Dhismayaashan lagu adkaynayay amniga Golaha ayaa waxay ka kooban yihiin Kaabado wajahada Xarunta Baarlamaanka laga sameeyey, dhisme laba qol ah oo dadka soo gelaya lagu baadhi doono, gidaarka xayndaabka u ah labada aqal oo la adkeeyey silig amniyeedna guudka loogu xardhay, iyo minaaradaha ilaalada ee askartu guudka xarunta ka ilaaliyaan oo afarta cidhif iyo afaafka hore laga taagey.



Mashruucaas dhameystirkiisa waxaa kormeeray Gudoomiye ku-xigeenka 1aad ee Golaha Wakiilada Md. Baashe Maxamed Faarax iyo saraakiil ka socotey Hay'adda UNDP, iyadoo dhameysirka mashruucaasi lagu afmeeray qabal lagu baadho dadka soo galaya xarunta Golaha Wakiilada iyo Baabuurta wataan oo Golaha lagu rakibay, qalabkaas oo ay ku shaqeyn doonaan Ciidamada

Amaanka Xarunta Baarlamaanka iyo Waaxda Golaha Wakiilada u qaabisan Amaanka iyo Protocolka.



❖ Xafiisyo dib loo qalabeeyay iyo Computers:-

Hay'adda Chinomics oo la shaqeysa Golaha Wakiilada waxay ka caawisey Golaha in dib habeyn lagu sameeyo xafiisyada Golaha qaar oo qalabka xafiisyada lagu rakibey, qalabkaas xafiisyada oo isugu jira Kuraas, noocyo kala duwan oo miisas ah, kabadho iyo shelves iyadoo xafiisyada dib loo qalabeeyay ka mid yihiin Xafiiska Gudoomiye ku-xigeenka 1aad, Xafiiska Xoghayaha Guud iyo Xafiisyada saddexda Gudi ee kala ah Gudidda Dhaqaalaha, Gudidda Deegaanka iyo Gudidda Cadaalada.

Sidoo kale waxa dhamaan xafiisyada Hay'addu u keentay Computero isugu jira Desktopyo casri ah iyo Laabtoby, Printeryo casirya, Camarado iyo qalabka kale oo badan, iyadoo qalabkaas dhamaan xafiisyadaas iyo xafiisyo kaleba loo qeybiyay si ay ugu hawlgaan una dardargaliyaan hawlaha Golaha u qaabilsan yihiin.

C/risaaq Siciid Ayaanle
Xoghayaha Guud ee Golaha Wakiilada JSL.